

Administrative Guidelines for Transportation

Bus Dirnak (Bus Stop):

Bus dirnak hmun tuahmi pawl hi Perry Township website ah tar an si lai. MSD of Perry Township siangngakchia poh bus dirnak hmun pekmi ah bus citter le tumter a si lai. Remh a herhmi a um ahcun transportation zung nih a herh ningin an remh lai.

Bus dirnak ding hmun pawl hi Transportation Office nih an tuah lai. Bus dirnak ding hmun pawl cu mipi hrawmmi lampi ah an si lai. Business parking, siloah transportation nih a him lo tiah an ruahmi hmun ah siangngakchia bus citter le tumter a si LAI LO.

Bus dirnak ding hmun pawl hi bus mawngtu nih a dir hlan ah mei a ceuter manh ding, dirnak a phak manh ding, siangngakchia an himnak ding, le a kal rih nak ding zohchih in tuah ding a si lai.

Bus dirnak hmun i bus nih kan fale pawl a don le thlah hna tik le bus an hngah tik ah himte i um kho dingin runven hi nulepa tumter a si lai.

Innpa umlo nak hmun le lampi he ai hlaatnak hmun i a ummi siangngakchia cu an mawngtu chuahnak (driveway) zawn ah don a si lai.

High School/Middle School/Academy siangngakchia pawl bus dirnak hmun pawl cu ke kalnak (sidewalk) umnak ah inn 8-10 kar siloah ke kalnak um lo nak ah inn 5-8 kar ah umter a si lai.

Elementary siangngakchia pawl bus dirnak ding hmun cu ke kalnak (sidewalk) a umnak sang ah inn 5-8 kar siloah ke kalnak um lo nak sang ah 3-5 kar ah umter a si lai.

Bus mawngtu nih bus dirnak hmun le a lam thlen, remh siloah chap khawhnak nawl a ngei LO. Thlenpiak ding i ruahmi nawlnak ca pekmi cu transportation zung lawng nih ruahpiak khawh si.

Siangngakchia nih bus an hngah tikah bus phanh caan naak in a tlawmbik minit 10 tal tuan deuh in bus dirnak hmun phak ding. Bus a tanh lomi siangngakchia caah bus kitter than a si ti lai lo.

Zanlei i bus nih thlah tik ah **TAANGCHEU-2 SIANGNGAKCHIA POH CU NULEPA SILOAH FIALMI UPA PAKHAT KHAT NIH BUS DIRNAK HMUN IN RAK DON/HNGAK A HERH**. A dongtu a um lomi fale cu bus cung ah umter an si lai. A si khawh chung in voi 2 tiang thlah khawh kan i zuam lai. Cu tiang i a dongtu an um hlei lo ahcun, sianginn ah kirpi i nulepa nih sianginn ah va lak ding a herh lai. A dang a herhmi tuah a si hlan ah hi bantuk hi **voi thum** tiang lawng ngaihthiam a si lai.

Cul-De-Sac/Court/Chuahnak a um lomi lam

Chuahnak a um lomi lam (dead end roadways) ah MSD of Perry Township buses pawl kalter a si lai lo. Lam a pihnak le i mer chom a herhnak hmun (Cul-De-Sac & Courts) hi himte in kal khawh a si ko lai ti i ruah lawng ah kalter a si lai. Siangngakchia le/siloah bus mawngtu caah a him lo ti i ruah a si ahcun Transportaion nih hi hmun ah bus hi kalter ti lo dingin let khawh a si lai.

Bus hi a hnu i kirter a si tikah a mawngtu nih bus a tang le/siloah pawngkam hi hmuh khawh a si lo. MSD of Perry Township nih ahohmanh i chuahsual khawhna hmun ah kalter a si lai lo.

Bus i mer khawhna hmun a um ko lai ti kan theihthiam ko nain, lam kam i mawṭaw a dirmi, thil a thlami mawṭaw siloah thil dangdang a um tawnmi ruang ah kan siangngakchia pawl le/siloah bus mawngtu caah a him tawn lo. Cucaah, ahohmanh hi bantuṭ tihnung le i khawnden sualna ding hmun ah kan umter hna lai lo.

Driveway siloah parking lots hi buses i mer/kuaihna ah hman khawh a si lai.

Bus Kalnak Lam

Bus kalnak ding pawl hi bus pakhat nih a phurh khawhmi zat cio tuak in suai a si lai. Bus kalnak ding lam hi bus nih siangngakchia a don le thlah nak ding inn address zoh chih in suai a si lai. Siangngakchia hi hmun pakhat lawng ah don le thlah a si lai. Nan fa hi nan inn si lo in hmun dang in bus citter nan duh ahcun cuka hmun lawng cu don le thlahna ah hman a si lai.

Bus Kalnak Lam Thlennak

Bus kalnak lam thlenmi ruang ah bus dirnak hmun le/siloah bus hngah caan ai thlengmi hi +/-10 naak tam a si ahcun nulepa sinah cakuat in theihternak tuah a si lai. Hi bantuṭ ai thlengmi a um tikah theihternak caan a um manh tawn lo caah cakuat hi siangngakchia sinin kuat a si lai.

Zeimaw caan ahcun bus kalnak lam hi fonh a herh caan a um kho a ruang cu bus mawngtu an i daih lo ruang siloah transportation zung nih an theih cia khawh lomi thil a um tawn caah. Ruah manh lo in thil ai thlengmi a um poh ahcun transportation zung nih a si khawh chung in nulepa sinah thawngthanh khawh peng an i zuam lai. I thanhna caan a um manh tawn lo caah thawng theiher khawh peng a si lo i **ZAANGFAH** tein rak kan theithiampiak uh tiah kan in nawl hna.

Hmun dang ah don le thlah ding kong

Umnak inn pawng bus dirnak hmun si lo in hmun dang ah bus nih don le thlah piak ding a herhmi siangngakchia poh cu **Alternate Bus Waiver** form hi phitpiak a herh lai. Phit dingmi form hi sianginn kip le Perry Township website zong ah lak khawh a si. Hi sawknak ca hi transportation nih **pompiak** khawh ding a si le si lo theih hlan ah fale kainak sianginn ah kuat ding. Hmun dang i bus dirnak ding tuahpiak ding hi ni 3-5 tiang a rauh khawh caah thlenpiakmi a tlamtlin hlan chung cu nulepa nih tuanvo lakpiak ding a si lai. Thlenpiak ding i halmi hi pompiak a si tikah sianginn lei nih nulepa sinah theihternak an tuah te lai. Kum thawkka i High school/Middle /Academy siangngakchia caah an bus citmi thlenpiak ding i nawlnak ca hmuhmi poh cu a tlawmbik a **hmasa zarh hnih** tiang pompiak a si lai lo.

Edison Learning Sianginn i a kaimi siangngakchia nulepa nih nan fale bus cit dingmi kong thlenpiak khawh a si hlan ah **Request for Transportation Change** form hi phitpiak ding a si lai. Hi form hi

transportation nih an pompiak hna hlan ah nan fa kainak sianginn ah kuat ding a si lai. Alternate Bus Waiver ca zong ah acung i tuah dingmi pawl he ai khat in zulh a si lai.

Ni-Khat Bus Pass

Hi pass hi school administrator nih a pompiakmi a si lai i lakhruak (emergency) ca lawng ah pompiak a si lai. Hi thil a um tik poh ah sianginn nih transportation sinah theihteran an tuah lai.

Bus Dirnak Pawngkam

Siangngakchia le nulepa nih bus dirnak pawng hmunhma le thilri pawl upat ding a si lai. Ahohmanh nih bus a dirnak pawngkam thilri pawl rawhter siloah hrawhpiak lo ding. Nawl a ngai lomi cu bus citnak nawl sianh ti lo khawh a si lai.

Bus Cung Kai le Tum Kong

Siangngakchia nih lamsir in a tlawmbik pe 10 ai hlatnak in bus hngah ding. Bus mawngtu nih mei sen a ceuter i mi khamnak (stop arm) a dirter dih hlan lo bus cung ah siangngakchia kai **LO** ding.

Bus hmai in kal (cross) a herhmi siangngakchia kalter tikah bus mawngtu nih mei sen a ceuter hnu, mi khamnak a dirter hnu, le kal khawh a si cang a ti hnu **LAWNG** ah kalter ding a si lai. Siangngakchia hi bus hnu lei in kalter **LO** ding. Bus hnu lei in a kalmi siangngakchia cu bus citnak nawl sianh ti lo khawh a si lai.

Siangngakchia hi bus don caan suipiakmi naak in minit 10 in tuan deuh ah bus dirnak hmun phak ding. Bus dirnak hmun in a hngak lomi le bus mawngtu nih a hmuh lomi siangngakchia cu lak lo khawh a si. Bus cit a tlaimi siangngakchia caah bus kierter than a si ti lai lo.

Siangngakchia nih bus a tloih (misses) tik ah bus hi dawi LO ding siloah zulh i a dir nolhnak hmun in i cit lo ding. Hi bantuk hi tih a nung ngaimi le fak ngai in i khawnden khawhnaak a si.

Thil Ken Khawhmi

Transportation office nih atang i langhtermi thil pawl hi siangngakchia nih bus chung i ken ding le zulh ding ah a ruahmi pawl an si:

- Phei cung ah chiah khawhmi
- Thlangawng a tanglei ri naak sang deuh ah tput lo ding.
- An tputnak ah a tthumi siangngakchia dang hnahnawhnaak pek lo ding.
- A sir tthumi lam siloah state upadi ningin emergency chuahnak lam kham lo ding.

Pehtlaihna (contact)

Nan fale bus citmi kong he pehtlai in chawnh nan herhmi a um tik poh ah zaangfah tein bus mawngtu pawl chawn lo in transportation office tu chawn ding in kan in nawl hna. Kan fale phurtu bus pawl hi an caan ning tein an kal i an phak khawh ding hi a biapi ngaimi a si. Nan fa a ziaza chimhrinnak, bus caan, siloah bus citnak kong he ai pehtlaimi kong ah nan fa ai citmi bus a mawngtu chawnh nan duh sual ahcun, zaangfah tein transportation office hi 317-789-6220 ah rak chawn te uh. Bus mawngtu sin ah nan cah duhmi kan rak in chimhpiak hna lai.

Bus Rules

Siangngakchia hi a khaan chung i dan (rules) an zultu bantuk in bus an icit lio zong ah dan hi an zultu ding a si tiah zumh a si. Hi pin ah, atang i tarmi dan (rules) pawl zong hi siangngakchia nih zultu ding ah ruahmi a si. A zultu duh lomi siangngakchia cu bus citnak nawl sianh ti lo khawh a si lai. **Ziaza lei cawnpiaknak (discipline) vialte hi nan fa kainak sianginn nih tawlrel dih a si lai.**

Bus Rules

1. A zungzal in bus mawngtu le/siloah a bawmtu upat i an bia ngaih ding
2. Mah t̄hutnak ah t̄hut colh i um ding, hmailei hoi in t̄hut i t̄tuang ah ke chiah ding.
3. Taangcheu – 8 tiang siangngakchia poh cu zaal siloah bawm in thilri i ken dih ding.
4. Ziaza dawh ken i a thurhnawmmi thil hman lo ding.
5. A si ning kel in biachim ding, aw thang pi in au siloah viu lo ding.
6. Mi nam, en, velh hman lo ding. Siangngakchia dang nehsawh siloah tihram hman lo ding.
7. Na lu, sam, kut, ke le neihmi thilri vialte bus chung le mah tak cung lawng ah umter ding.
8. Zeitik hmanh ah kuak zuk lo ding.
9. Zeitik hmanh ah i vuak lo ding.
10. Zeitik hmanh ah bus chung siloah leng ah thil hlonh lo ding.
11. Bus chung ah thil ei siloah din lo ding. Khaicek khai lo ding.
12. Bus t̄hutnak le thilri pawl t̄ha tein zohkhenh le upat ding.
13. Bus hi thiangte le felfai tein umter ding.
14. Hla ngaihna ding ah CD players, MP3s le/siloah elekthonik thilri pawl hmannak nawl cu taang ruk in a cunglei (taang 6-12) siangngakchia pawl lawng sianh a si.
15. Bus chung ah cell phone chuah le/siloah hman lo ding.
16. A ceu khomi laser pen hman lo ding.

Bus cit ning phung (bus rules) a zultu kho lomi poh cu bus citnak nawl sianh ti lo khawh a si lai.